



Գ Ա Ղ ՈՒ Թ Ա Հ Ա Յ Կ Յ Ա Ն Ք

ՀԱՅ ԳԱՂԹԱԿԱՆՆԵՐԻ ԴԻՄՈՒՍԸ ՄԻԱՎՈՐՎԱԾ ԱԶԳԵՐԻ ԿԱԶՄԱԿԵՐՊՈՒԹՅԱՆԸ

ՆՅՈՒ-ՅՈՐՔ. 17 հունիսի (ՏԱՍՍ).— Հայերի իրավունքների պաշտպանության Ամերիկյան կոմիտեն և Ամերիկայի հայ ազգային խորհուրդը ճաշկերույթ են կազմակերպել, որտեղ քննարկվել է ամբողջ աշխարհում սփռված մեկ ու կես միլիոն հայ գաղթականների անունից Միավորված Ազգությունների կազմակերպությանն ուղղված դիմումը, որով պահանջվում է Քյուրթիայի զավթած հայկական նահանգները վերամիավորել Սովետական Հայաստանին: Ծաշկերույթին ներկա էր ավելի քան 800 մարդ:

Ծառով հանդես է եկել ամերիկյան հայտնի պրոֆեսոր Չեմբերսը, որը հայտարարել է. «Այն բոլորը, ինչ որ մենք խնդրում ենք, դա Քյուրթիայի կողմից առաջին համաշխարհային պատերազմի ժամանակ և դրանից հետո զավթված շրջանները Սովետական Հայաստանին վերադարձնելն է: Այդ շրջանների հայերը, որոնք սփռված են ամբողջ աշխարհում, պատրաստ են այժմ ամեն ռոպե վերադառնալու Հայկական ռեսպուբլիկայի հետ վերամիավորվելիք այդ շրջանները»:

Ծաշկերույթի նախագահությունը տղույններ է ստացել սենատորներ Սալտոնստելից, Միդդից, Սմիտից, Դաունից, Պիլգորից, Գրիչից և ներկայացուցիչների պալատի անդամ Դինգելից:

Ծաշկերույթում ընդունված բանաձևում ասված է. «Քանի որ Քյուրթիայի կողմից զավթված և մինչև այժմ իր ձեռքում պահած

հայկական մի քանի նահանգները վերադարձնելու մասին Վուդրո Վիլսոնի 1920 թվի ընդունած որոշումը Ազգերի լիգայի կողմից չի կատարվել, քանի որ հարյուր հազարավոր հայեր այլ երկրներում ապրում են գաղթականի դրության մեջ, այն ժամանակ, երբ հայկական ռեսպուբլիկան կարող է ընդունել նրանց, քանի որ Միավորված Ազգերի կազմակերպությունը ստեղծված է բոլոր ժողովուրդների իրավունքները պաշտպանելու համար և քանի որ ամերիկյան կառավարությունը վաղուց ի վեր բարեկամաբար է վերաբերվում հայ ժողովրդին ու հայ ազգին, Հայերի իրավունքների պաշտպանության Ամերիկյան կոմիտեն, արտահայտելով հայ ժողովրդի հույսը, դիմում է Միավորված Ազգերի կազմակերպությանը, խնդրելով անհապատ համակարգառ լուծել հայկական հարցը՝ Չարսը, Արդահանը, էրզրումը Տրապիզոնը, Վանը, Բիթլիսը ներկայիս Հայկական Սովետական Ռեսպուբլիկայի մեջ մտցնելու միջոցով: Օա կազմում է պրեզիդենտ Վիլսոնի չրազործված որոշման մի մասը»:

Բանաձևն ուղարկված է Միավորված Ազգերի կազմակերպության ամերիկյան գլխավոր գրասենյակին՝ այդ կազմակերպությանը հանձնելու համար:

Նման ճաշկերույթներ տեղի են ունեցել Յիլադելֆիայում, Պրուիդենսում, Բոստոնում, Դետրոյտում և Չիկագոյում:

ՀԱՅԵՐԻ ՄԻՏԻՆԳ

ՆՅՈՒ-ՅՈՐՔ. 3 հուլիսի (ՏԱՍՍ).— «Նյույորք թերթը հաղորդում է, որ հուլիսի մեկին «Հայերի իրավունքների համար պայքարող ամերիկյան կոմիտեի» նախաձեռնությամբ Դետրոյտում տեղի է ունեցել միտինգ, որտեղ ներկա են եղել հայկական ծագում ունեցող հազար ամերիկացիներ: Միտինգում

ԴԵՏՐՈՅՏՈՒՄ

միահամուռ կերպով որոշում է ընդունվել դիմել Միավորված Ազգերին՝ խնդրելով «կարգավորել հայկական հարցը Քյուրթիայի կողմից խլված շրջանները Սովետական Հայաստանին վերադարձնելու միջոցով»:

Երեսրոյտում արտաքին քաղաքականության ասոցիացիայի նախագահ Լիխվարդտը

միտինգում հանդես է եկել մի ճառով, որի մեջ կոչ է արել վերամիավորել Սովետական Հայաստանին Թյուրքիայի կողմից խլիճ շրջանները, մասնավորապես Ղարսի, Արդահանի, Էրզրումի, Տրապիզոնի, Վանի և Բիթ-

լիսի նահանգները: Լիավարդուր հայտարարել է, որ պրեզիդենտ Վիլսոնը կողմնակից է եղել այդ տերիտորիաները միացնել Հայաստանին, բայց Աղզերի Լիզան նրա առաջարկությունը չի կենսագործել:

ՍԵՒԼԵՐԻ ԵԼՈՒՅԹԸ ԹՅՈՒՐԿԻԱՅԻՆ ՓՈՒԱՌՈՒԹՅՈՒՆ ՏՐԱՄԱԳՐԵԼՈՒ ԴԵՄ

ՆՅՈՒ-ՅՈՐԲ. 5 հուլիսի (ՏԱՍՍ).— ԱՄՆ-ի ներկայացուցիչների պալատի անդամ Սելլերը (դեմոկրատ. նյու-Յորք նահանգից) մամուլի ներկայացուցիչների հետ ունեցած գրույցում հայտարարել է՝ որ ինքը ամբողջովին համաձայն է «Ամերիկայի հայկական ազգային խորհրդից» ստացված հեռագրին: Այդ հեռագրում նշվում է, թե քանի որ պատերազմի ժամանակ Թյուրքիան օգնում էր նացիստներին, չնայած Միացյալ Նահանգների կողմից լենդ-լիզի միջոցով առաջված հսկայական օգնության, և քանի որ նա մինչև այժմ շարունակում է հալածել ազգային փոքրամասնություններին, բոլոր ամերիկացիները պետք է հան-

դես դան Արտահանող-Ներմուծող բաժնի կողմից Թյուրքիային փոխառություն տրամադրելու դեմ:

Սելլերը հայտարարել է, որ ինքը կարող կերպով կառարկի օգնություն տրամադրելու այն երկրին, որը «վերջին համաշխարհային պատերազմի ժամանակ օգնում էր նացիստներին և ոչ մի մտադրություն չցուցաբերեց ուղղելու այն շարիքը, որ նա հասցրել է անմեղ ժողովրդներին, այդ թվում հայերին, որոնցից մեկ ու կես միլիոն սպրում է վտարանդիության մեջ շատ երկրներում, մյուսները թուրքերը դեռևս բռնի կերպով տիրում են նրանց հայրենիքին»:

ՀԱՅԵՐԻ ԻՐԱՎՈՒՆՔՆԵՐԻ ՀԱՄԱՐ ՊԱՅՔԱՐՈՂ ԱՄԵՐԻԿԱՆ ԿՈՄԻՏԵ ԳԻՄՈՒՄԸ ԱԶԵՍՈՒՆ

ՆՅՈՒ-ՅՈՐԲ. 6 հուլիսի (ՏԱՍՍ).— «Հայերի իրավունքների համար պայքարող ամերիկյան կոմիտեն» դիմել է ԱՄՆ-ի պետական քարտուղարի տեղակալ Աշխտինին և կառավարական այլ անձանց, բողոքելով ԱՄՆ-ի կառավարության կողմից Թյուրքիային փոխառություն տրամադրելու դեմ: Կոմիտեն, ասված է դիմումի մեջ, վճռական կերպով բողոքում է Արտահանման-Ներմուծման բանկի կողմից Թյուրքիային փոխառություն տրամադրելու դեմ այն ժամանակ, երբ թուրքական զազանությունները ապրած և ամբողջ աշխարհում ցրված ավելի քան մեկ միլիոն հայերը զուրկ են արդարության տարրական

իրավունքներից: Մենք կոչ ենք անում Միացյալ Նահանգներին՝ պահանջել, որպեսզի Թյուրքիան անհապաղ վերադարձնի զավթած հայկական նահանգները և դրանով իսկ ապահովի իրենց նախնիների հողը վերադառնալ ցանկացող հայերի հայրենիքը:

Կոմիտեն այդ դիմումի պատճենը ուղարկել է պետական քարտուղարի օգնական Կլիտոնին, արտաքին գործերի սենատական հանձնաժողովի նախագահ Կոննելիին, ներկայացուցիչների պալատի արտաքին գործերի հանձնաժողովի նախագահ Բլումին, Արտահանման-Ներմուծման բանկի նախագահ Մարտինին:

ՀԱՅԵՐԻ ՀԱՅՐԵՆԱԳԱՐԶՈՒԹՅԱՆ ԱԶՄԿՑՈՂ ԲՐԱԶԻԼՅԱՆ ԿՈՄԻՏԵԻ ԲԱՆԱԶԵՎԸ

ՌԻՈ-ԴԵ-ՏԱՆՆՅՐՈ. 7 հուլիսի (ՏԱՍՍ).— Սան Պաուլոում կազմակերպվել է հայերին Սովետական Հայաստան վերադարձնելուն աջակցող կոմիտեի Կեմիտեի կազմակերպչական ժողովում բանաձև է ընդունվել, որի մեջ ասված է. «Սան Պաուլոում ապրող դեմոկրատ հայերը ողջունում են սովետական կառավարության մարդասիրական մեծ ակտը, որը թույլատրել է ամբողջ աշխարհում

ցրված հայերի վերադարձը հայրենիք: Այդ որոշումը օգնում է հայրենի հողից թուրք զավթիչների կողմից քշված հայերին իրագործելու իրենց նվիրական իղձը՝ ապրելու խաղաղության մեջ իրենց արյունակից եղբայրների հետ և միասին պայքարելու իրենց հայրենիքի առաջադիմության ու երջանկության համար»:

ՖՐԱՆՍԱՀԱՅԵՐՈՒ ԴԻՄՈՒՄԸ ՄՈՒՆՈՍՎԻՆ

Խորին զերագանցութիւնը վՅԱԶԵՍԻԱՎ ՄԻԽԱՅԼՈՎԻԶ ՄՈՒՆՈՍՎ
Արտաքին Գործերու Մինիստր ՍՍՌ Միւսիպյան

Պարոն Մինիստր,
Օգտվելով Ձեր Փարիզ ներկայութենէն, Ազգային Ճակատի Կազմակերպութիւնն պատիվն ունի Ֆրանսահայ գաղութի անունից բարի գալուստ մաղթելու Ձեզ և միանգամայն կցանկա կատարյալ հաջողութիւն Ձեր աշխատանքներուն:

Այս օրերուն, երբ մարդկութիւնը և անոր թվին ամբողջ հայութիւնը, աչքերը հառած է Փարիզ՝ Չորս Մեծ Պետութեանց Արտաքին Գործոց Մինիստրներու ժողովին, Խորհրդային Մեծ անպարտելի Միութեան ներկայացուցիչն, ներկայութիւնը անխախտ հուշակները մեր ժողովրդին՝ թէ ինչպէս որ, շնորհիվ Ռուս մեծ ժողովրդին ստույգ կորուստե փրկվեցաւ հայ ժողովրդի մեկ մասը հանձին Սովետ Հայաստանի, դարձյալ շնորհիվ Սովետ Միութեան կիրականանա հայ ժողովրդի դարավոր երազը եղողը, թուրքերու կողմէ վայրագորեն հափշտակված, իր արյունով ողողված պապենական հողերու կցումը Սովետ Հայաստանին:

Այսպիսով նաև աշխի յայն հնարավորութիւններ կտրվին գաղթաշխարհի տարագիր

հայութեան մեր սիրելի Սովետական Հայաստան դարձին:

Մենք անհամբեր կսպասենք այն բախտավոր օրվան, երբ պիտի արժանանանք ՍՈՎԵՏԱԿԱՆ ՔԱՂԱՔԱՑԻԻ ամենաբարձր կոչումին:

Հավետ երախտապարտ ենք և մեր անկեղծ զգացումները կհայտնենք ժողովուրդներու Մեծ առաջնորդ ժեներալիսիմուս ՍՏԱԼԻՆԻ և Ձեզ՝ անոր ամենամոտիկ զինակիրն, ՎՅԱԶԵՍԻԱՎ ՄԻԽԱՅԼՈՎԻԶ, և ազնիվ Ռուս մեծ ժողովուրդին:

Որչափ կփափաքինք տեսակցութիւն ունենալ Ձերդ Ազնվութեան հետ. մեծապես երախտապարտ պիտի ձգեք ընդունելով մեզ: Հնդունեցեք, Պարոն Մինիստր, մեր ամենախորին հարգանաց հովաստիքը:

Ֆրանսահայ Ազգային Ճակատի
Նախագահ՝ Հ. ՄԱՐՄԱՐՅԱՆ
Քարտուղար՝ Մ. ԱՍԱՏՈՒՐՅԱՆ

1946 թ. մայիս
(«Ժողովուրդի ձայն» թիվ 1144)

ՖՐԱՆՍԻԱԿԱՆ ԳՈՐԾԻՉՆԵՐԸ ԹՅՈՒՐԲԻԱՅԻ ԿՈՂՄԻՑ ԽԼՎԱԾ ՄԱՐԶԵԲԸ ՀԱՅԱՍՏԱՆԻՆ ՄԻԱՑՆԵԼՈՒ ՄԱՍԻՆ

ՓԱՐԻԶ. 7 հուլիսի (ՏԱՍՍ).—Ֆրանսպրես գործակալութեան հաղորդագրութեամբ ֆրանսիական մի խումբ գործիչներ, որոնց թվում Ալբեր Վայեն, էմիլ Բյուրեն, Մարսել Կաշենը, ժյուստեն Գոգարը, Պոլ Լանժեսնը, Ժան

Ռիշար Բլոկը, դիմել են Միավորված Ազգերի ներկայացուցիչներին, կոչ անելով վերամիավորել Սովետական Հայաստանի հետ Թուրքիայի խլած մարզերը:

ՀԱՅԵՐԻ ԵՐԿՐՈՐԴ ԽՄԲԻ ՄԵԿՆՈՒՄԸ ԼԻԲԱՆԱՆԻՑ ԴԵՊԻ ՍՈՎԵՏԱԿԱՆ ՀԱՅԱՍՏԱՆ

ԲԵՅՐՈՒԹ, 10 հուլիսի (ՏԱՍՍ).— Հուլիսի 10-ին Բեյրութի նավահանգստից «Տրանսիլվանիա» շոգենավով մեկնեց հայրենադարձ հայերի երկրորդ խումբը՝ թվով 1800 մարդ: Իրենց հայրենիքը՝ Սովետական Հայաստան

տան մեկնողներին ճանապարհ գցելու դուրս էին եկել ջատ լիբանանցիներ և մնացող հայերը, որոնք սպասում են իրենց հերթին՝ վերադառնալու համար:

ՄԻ ԽՈՒՄԲ ՀԱՅԵՐԻ ՄԵԿՆՈՒՄԸ ՍԻՐԻԱՅԻՑ ԵՎ ԼԻԲԱՆԱՆԻՑ ՍՍՌՍ

ԲԵՅՐՈՒԹ, 12 հուլիսի (ՏԱՍՍ).— Սովետական ռուսիա» շոգենավը Բեյրութի նավահանգստում իր վրա է ընդունել Լիբանանից և Սիրիայից Սովետական Հայաստան մեկնող 2.300 հայերի: Հուլիսի 12-ին շոգենավը մեկնել է Բեյրութի նավահանգստից: Նավը

մեկնելու պահին ծովափում հավաքվել էին ավելի քան 5.000 ճանապարհորդներ: Շոգենավի ուղևորների մեջ տիրում էր հսկայական ոգևորութիւն: Շոգենավը նավահանգստից մեկնել է Սովետական Հայաստանի Հիմնի հնչյունների տակ, որ երգում էին մեկնողները և նրանց ճանապարհող անձինքը:

ՀԱՅԵՐԻ ՄԵԿՆՈՒՄԸ ՌՈՒՄԻՆԻԱՅԻՑ ԱՈՎԵՏԱԿԱՆ ՄԻՈՒԹՅՈՒՆ

Քուլտուրայի, ՅՂ հուլիսի (ՏԱՍՍ).— Հուլիսի 19-ին Բուխարեստում տեղի ունեցավ փաստաթղթերի հանդիսավոր հանձնում Սովետական Հայաստան մեկնող 1.100 հայերի: Հանձնման արարողությունը վերածվեց Բուխարեստում հայկական ամբողջ գաղութի իսկական տոնի:

Փաստաթղթերը հանձնելուց առաջ տեղի ունեցած միտինգում ելույթ ունեցավ «Հայաստանի ճակատ» կազմակերպության նախագահ Դանիելյանը, որը հայտարարեց. «Արտասահմանյան հայերը պատմական օրեր են ապրում, նրանք նորից հայրենիք են ձեռք բերել: Հայ ժողովրդի ծննդյան իսկական օրը կարելի է համարել այն օրը, երբ ծնվեց Սովետական Հայաստանը»:

Կ Ա Ր Ճ Լ ՈՒ Ր Ե Ր

Կիլիկիո Վեհափառ Կաթողիկոսին Հալեպ պայքելության ի պատիվ տեղվույն Մոհաբըզը Տքտ. Իհսան պեյ Շերիֆ տված է ճաշկերույթ մը, որում ներկա եղած են հայ և արաբ պաշտոնատար անձնավորություններ: Վեհափառին ժամանումին առթիվ քաղաքին դրամատուները կես օրին փակված են, իսկ դպրոցները երկու օր:

Հարավային Ամերիկա, Մոնթեվիդեոյի կո-

շիկի հայ գործարանատերերը 3000 զույգ կոշիկ տրամադրած են Հայաստան դրկելու համար:

Հայաստանի կոշիկի գործարան մը նվիրելու համար Սուրիա-Լիբանանի կողմից, հանգանակությունը տված է հետևյալ արդյունքը. Լիբանան՝ 55.000, Դամասկոս՝ 10.000, Հալեպ՝ 100.000 ս. սակի:

(«Արաբս» ապրիլ 13 1946 թ.)

ՄԻՐԱՆՈՒՇԻ ՀՈՒՇԱՐՁԱՆԻՆ ԲԱՑՈՒՄԸ

Անցյալ կիրակի առավոտ ժամը 11-ին Գահիրեի ազգային դերեզմանատան մտավորականներու թաղին մեջ կանգնուած անմահ դերասանուհի տիկին Սիրանուշի հուշարձանին բացումը կատարվեցավ մեծ շուքով, նախագահությամբ Գերշ. Մամբրե Արքեպիսկոպոսի և ի ներկայության խումբ բազմություն: Հուշարձանի բացման խոսքին հետո սրբազան Հայրը խոսք անելով թվեց մի առ մի տիկին Սիրանուշի հայ բեմին մատուցած թանկագին ծառայությունները Կովկասին մինչև Եգիպտոս: Անդրադարձավ նաև հայ-

կական թատրոնին և անոր գործիչներուն և օրհնելով հիշատակը տիկին Սիրանուշի, վար անելով սև քողը բացված հուշակեց հուշարձանը:

Ինչպես ծանոթ է ողբացյալ դերասանուհին թվականես ճիշտ 12 տարիներ առաջ Գահիրեի հիվանդանոցին մեջ կփակեր իր աչքերը, երբ պատրաստություններ կտեսնվեին տունելու Սիրանուշի բեղուն գործունեության հիսնամյա հոբելյանը, բայց անգույթ մահը արգելք հանդիսացավ անոր:

(«Արաբս» մայիս 4 1946 թ.)

ՀԱՅՎԱԿԱՆ ԲԵԿՈՐՆԵՐԸ ԱՆԱՏՈՒՄԻ ՄԵՋ

Վերջին քանի մը տարիներու ընթացքին կանոնական ծառայության բերումով առիթն ունեցանք շրջելու Անատոլուի զանազան վայրերը, ուր հանդիպեցանք կոկիկ թվով հավաքականություններու: Անոնք առհասարակ հողագործ, մանր արհեստավոր և խանութպան են:

Առհասարակ թրքախոս են, սակայն ընտանեկան շրջանակներն ներս կպահեն իրենց ավանդությունները ու սովորությունները և կմնան սերտիվ կապված իրենց եկեղեցիին:

Ամեն անգամ որ առիթը ներկայացավ ըփուում ունենալու այս հայ ընտանիքներուն հետ, հուզումով տեսանք, թե անոնք իրենց տան ամենեն հարգի անկյունը զետեղած են ստգունած և պատուած ժամագիրք մը կամ մաշած ու դալկահար Ավետարան մը, զոր հաղիվ թե կրնան կարդալ ու հասկնալ:

Հանդիպեցանք նույնպես դեռատի Գրիգորներու, պատանի Մելքոններու կամ նորահաս Օվսաննաններու, որոնք ի տես իսթանպուլցի Կարապետի մը կամ Լևոնի մը, երանություն հառաչանքը իրենց շրթերուն:

հազիվ թե «ախպարիկ» մը կ'ընթուղեն, կարծես ամոթահար։ Ասոնց մեջ, մեր Առաքելական եկեղեցիին ամենեն նվիրական խորհուրդեն՝ մկրտությունեն զրկված մնացողներուն թիվը հեռզհեռ հատանալու վրա է։ Հողվածագիրը հետո կապիկցնե, Բե Սվասի, Ամասիո, Թոքատի, Անգարայի, Եոզկատի,

Գոնիայի, Խարբերդի և Մայաթիո մեջ ապրող հայերը քահանա մը իսկ շունին և իրենց կրօնական գոյությունը կապահանջն շնորհիվ իրենց զորավոր հավատքին և հին ավանդություններուն։

(«Արաբեր» ապրիլ 23 1946 թ.)

Լ Ո Ն Տ Ո Ն Ի

Հ Ա Յ Ե Ր Ը

Լոնտոնի 700 քառակուսի մղոն տարածության վրա և 9 միլիոն բնակչության կողքին 500-ի շափ հայություն մը ունինք։ Հայկական կյանքը կազմակերպված չէ։ Եվ մեր «փափկատուն» տիկիներն ու պարոնները «պրիճ»-ի սեղաններուն շուրջ կանցնեն իրենց պարապո ժամերը։

Գաղութին սարքած հանդեսներուն և թեյանեղաններուն ծախքերը պ. Գ. Կուլպենկյանը կըրցե։ Բարեգործականը քանի տարի է ի վեր ամլություն դատապարտված էր։ Միայն քանի մը ամիս եղավ, որ փորձեցին դաշն վերակենդանացնել։ Հայ եկեղեցիին իր ծախքերը կատահովե մեծահատուտ հիմնադրին գումարներով։ Այս հիմնադիրը մինչև իսկ «չեն և պայծառ մնաց»-ի մուրացկանությունը վերցնել տվեր է եկեղեցիեն ներս։ Նույնիսկ եկեղեցիին բակը օրացույց և այլն ծախելն իսկ արգելված է։

Այս հայերը հիտունայ բաղաճերեն են րնդհանրապես, - Պոլիս, Իզմիր, Տիրանակերտ,

Վան, Այնթապ, Խարբերդ, Թեհրան, Գահրե, Բաքու, Սինկապուր։ Հնդկահայերը կամ դարբար կխոսին կամ անգլերեն։

Գաղութին ընդհանրապես գորգի և մուշապի առևտուրով կըբաղի։ Արդեն հայերն են որ 60 տարիներ առաջ, գորգի վաճառականությունը ներմուծած են Անգլիո մեջ։

Նշանավոր քանի մը դեմքեր կան։ - Արշակ Բաթթի որ ուտերեն կավանդե Լոնտոնի համալսարանին մեջ։ Սարգիս Թոփալյան որ պարսկերենի և թրքերենի դասախոսն է Ալեկյան լեզուներու դպրոցին մեջ։ Նրի տասարդներեն հիշելու է Նուպար Էքսերճյան, որ տաղանդավոր տնտեսագետ մըն է և որ զնդապետի աստիճան ունի անգլիական բանակին մեջ։ Ֆելիքս Աբրահամյան, որ երաժշտական քննադատ է։ Էրիք Տիրացու թվաբան և հանքային ճարտարագետ, որուն գիտական հոդվածները քարյուղի արտադրության մասին, հիացման առարկա են։

(«Արաբեր» ապրիլ 23 1946 թ.)

ԼՈՒՐԵՐ ԿՍԼԿՍԹԱՅԻ

ՀԱՅՈՑ ՄԱՍԻՆ

Լոս Անճելոսեն ընկեր Մեզլում Մեզլումյան, ծովային աշխատավոր մը, որ հունվար ամսին Կալիաթա եղած էր, իր վերադարձին Նյու-Յորք «Արաբեր»-ի խմբագրության հանդիպելով, մեզ հաղորդեց, թե Կալիաթայի հայերը մեծապես շահագրգռված են Սովետ Հայաստանով և էջմիածնով։

Վերջերս կալիաթահայերը նվիրահավաքության մը սկսած են էջմիածին ուղարկելու համար եկեղեցական զգեստներ։

Ընկ. Մեզլումյան կըսե, թե Կալիաթայի հայերը մեծ մասամբ անգլերեն կխոսին և իրենց ընկերային ուրույն կյանքը տանին և

ընդհանրապես համախմբված են եկեղեցիին շուրջ։

Կալիաթայի հայոց թիվը կհասնի 5 հազարի, որոնցմե մոտ 3.000 հոգի հին գաղթականներ են։ Գաղութին մեջ մեծ ոգևորություն կա Սովետ Հայաստան վերադառնալու համար։

Կալիաթայի մեջ կան Հայկական քոլեճ մը և միջնակարգ դպրոց մը, ուր դասավանդություններ կուլան անգլերենով և հայերենով։ Քաղաքական կուսակցություններ գոյություն ունին և ժողովուրդը միասնական է։

(«Արաբեր» մարտ 2 1946 թ.)

